

25 JUL 2002

DR MAHATHIR DENGAR TAKLIMAT PENDIDIKAN ISLAM JOHOR

JOHOR BAHRU, 25 Julai (Bernama) -- Perdana Menteri Datuk Seri Dr Mahathir Mohamad mendengar taklimat mengenai perkembangan pendidikan agama Islam sempena lawatan seharinya ke Johor hari ini.

Taklimat disampaikan oleh Setiausaha Kerajaan Negeri Datuk Ayob Meon sebelum jamuan tengah hari di "Saujana", kediaman rasmi Menteri Besar.

Turut hadir Menteri Besar Datuk Abdul Ghani Othman, Mufti Johor Datuk Noh Gadut dan Pengarah Jabatan Agama Islam Johor Datuk Wahid Dahlan.

Sementara itu, lebih 2,000 orang termasuk para pegawai kanan kerajaan, pemimpin parti-parti komponen Barisan Nasional (BN) dan pemimpin masyarakat menghadiri jamuan tengah hari itu untuk meraikan Dr Mahathir sempena lawatannya.

Isteri Perdana Menteri Datin Seri Dr Siti Hasmah Mohamed Ali turut hadir pada majlis itu yang diserikan dengan persembahan ghazal dan keroncong.

-- BERNAMA

BH AZZ ROS